

رواية شبيهتي القوية كاملة - بقلم نشوة عادل



- [روايات عربية](#)
- [كتب اسلامية](#)
- [كتب متنوعة للقراءة](#)
- [كتب تنمية بشرية](#)
- [روايات عالمية](#)
- [كتب رومانسية عربية](#)
- [كتاب الصحة والجمال](#)
- [قصص عربية](#)

ي لهوى يا اسراء مش ممكن دى زى ما يكون انتى ودى انعكاسك
ف مراية احلفى بالله كده انكم 2

اسراء بضحك: ف ايه ي ملك انتى عقلك فوت ولا ايه ما احنا ادامك
اهو ي بنتى بشحمنا ولحمنا لبسنا مختلف وبوقها مبيتحركش معايا
عاوزه دليل تانى ازاي بقى!

ملك: ي بنتى انا اعرف انه يخلق من الشبه اربعين وكل حاجة لكن
يكون تطابق ف كل حاجة بدون ما يكون فيه اى حاجة تفرق بينكم
دى صعب بجد ان حد يكشف انها مش انتى امك نفسها عمرها ما
هتكشفها

اسراء: ده اللي مطمئني بجد انها مش هتتكشف

ملك: طب هو انتي اسمك ايه ي جميل ؟!

:.....اسمى ريهام

ملك: طيب ي ريهام هو اهلك يعنى هيوافقوا انك تكوني ف بيت غريب؟!

ريهام: ماما عارفة وواثقة فيا وبعدين انا بعمل كده بمقابل مش لله ف لله يعنى

ملك: انا فاهمة بس مامتك عارفة طب باباكي اخواتك الرجالة كده يعنى

ريهام: ابويا ميعرفش عننا حاجة من يوم ما هو وامى اطلقوا وانا عمرى ٥ سنين ومليش اخوات صبيان وتقدرى تقولى انى مقطوعة من شجرة مليش غير امى وبس

ملك: ربنا يطول ف عمرها ويديمها ليكى يارب

ريهام: تسلمى

اسراء: وانا زى ما وعدتك هخلى بالى من مامتك وهشيلها بعيونى كمان

ريهام بابتسامة: وانا واثقة فيكى المهم انتي قولتيلي هتفهميني كل حاجة لما نكون مع ملك ادينا مع بعض اهو عايزة افهم بقى ليه انتي عاوزانى اخذ مكانك بالبيت؟!

اسراء بحزن: بصى هو يمكن الكلام اللي هقوله ميبانش ليكى منطقى بس الحقيقة ان انا مليش شخصية وسط ولاد عمى

ريهام: انتم عايشين ف بيت واحد؟

اسراء: اه من يوم ما ماما اتجوزت عمو بعد وفاة بابا الله يرحمه جه هو وولاده عاشوا معانا بس مش ده السبب الوحيد اللى خلانى اطلب تكونى مكانى

ريهام: او مال؟!!

اسراء: هما سببين كمان الاول يوسف ابن عمى انا بحبه اوى واوقات كتير بحسه بيحبني لكن تصرفاته عكس ده خالص وانا مبقتش فاهمة انا صح ولا واهمة نفسى

ريهام: طب والسبب التانى؟!!

اسراء: بيحصل معايا حاجات غريبة اوى الفترة الاخيرة بقيت اشوف حاجات كتير مرعبة وحاسة ان عقلى هيشب منى

ريهام: حاجات غريبة ازاي؟!!

اسراء: خيال رايح جاى ادم باب اوضتى واوقات بسمع اصوات حد بينده عليا بصوت مخيف وبشوف زى اشباح

ريهام: امممم ما يمكن يكون حد من ولاد عمك عاوز يستظرف عليكى فبيعمل كده!

اسراء: انا شكيت ف كده فعلا بس محدش منهم بالفيل

ريهام: او مال هما فين؟!!

اسراء: كلهم ف الساحل بيصيفوا

ملك: طب ما يمكن ماسافروش وضكوا عليكى

اسراء: لا متأكدة انهم هناك لان صفاء الشغالة بتاعتنا معاهم وهى
بتفتح ليا فيديو كول كل يوم من الشاليه

ريهام: او مال مين معاكى ف الفيلا حالياً؟!

اسراء: مفيش غير ماما وعمو والخدم بس

ريهام: طيب بصى السبب الأول بتاع يوسف ده انا مو عدكيش بيه
لان لو اللى انتى بتخططى ليه انه اوقعه بحبى كده هو هيحبني انا
مش انتى واكيد انتى فاهمة قصدى اما ع انى اخلى شخصيتك قوية
وسط ولاد عمك دى سهلة اوى ومتقلقيش اقل من المدة اللى قولتى
عليها هكون مسيطرة اما السبب التالت ده غامض وان شاء الله
هعرف كل حاجة عن قريب

اسراء: انا بجد متشكرة اوى ي ريهام وجميلك مش هنساه

ريهام: ولا جميل ولا حاجة كده كده انا واخدة حقى فلوس وكمان
هتخلى بالك من امى يبقى محدش فينا ليه جمایل ع التانى

اسراء : طب يلا نبدل الهدوم

ريهام: استنى هو انا هلبس اللبس بتاعك ده؟!

اسراء: اه ماله

ريهام: ماله ايه ي حاجة ده مبين اكثر ما هو مغطى اى نعم انا مش
محجبة وملتزمة بس معرفش اللبس كده

اسراء: طب معلش عشان خاطرى اللبس كده بس واما تروحي
هتلاقى لبس كويس ومقفول

ريهام: لله الامر انجرى ادامى ع البروفة

ملك: استنوا عندكم فيه حاجة هيقدرُوا بيها يكشفوا ريهام

اسراء: ايه؟!

ملك: الصوت انتم صوتكم مش زى بعض

ريهام: من الناحية دى متقلقيش

ملك: ازاي بقى؟!

ريهام قلدت صوت اسراء بالظبط وبنفس الطبقة والنبرة... ملك
بصدمة: يخربيتك ده انتى قرده

ريهام: يخربيتك انتى لمى لسانك احسنلك

ملك: احم انى اسف

بعد ما اسراء وريهام بدلوا هدمهم راحت اسراء ع بيت ريهام اما
ملك فوصلت ريهام ع الفيلا

ملك: مامت اسراء اسمها رجاء وعمها اسمه ماهر وولاد عمها
ولدين توأم يوسف وسيف وبننتين سلمى اد اسراء وسيليا ف ثانوية
عامة

ريهام: تمام والخدم؟!

ملك: الحارسين اللى ع البوابة محمد وامين والجناينى صالح والخدم
اثنين صفاء ورحاب

ريهام: تمام ابقى بقى واحنا داخلين عرفينى ع الخدم وورينى صور
ولاد عمها دول

ملك: اشطا

بعد ما وصلوا وملك ابثدت تكلم كل واحد باسمه وطبعاً ريهام كانت
مركزة فجأة صوت من وراهم : الهانم كانت فين لحد نص الليل
وووووووو.....يتبع

#شبيهتي_القوية الاول

-الهانم كانت فين لحد نص الليل اظن انا منبه ان اخر ميعاد للتأخير
١٠ حصل ولا لا

لفت ريهام وملك لمصدر الصوت وكان عم اسراء ماهر اللي
ملاحه كانت جامدةملك: معليش ي اونكل انا السبب اصل
النهارة كان عيد ميلاد مرام اختي وانا غصبت ع اسراء تكمل
معانا الحفلة للآخر

ماهر بحدة: ع فكرة انا موجهتش الكلام ليكي انا بكلم الهانم اللي
بتكسر كلمتي

ريهام : اكيد ي اونكل حقك تضايق اني ارجع ف وقت زى ده بس
ي ترى بقى الحكم ده شامل بناتك ولا عليا انا بس!

وقتها اتصدم ماهر من رد اسراء لانها عمرها ما طلع ليها صوت
غير اسفة وحاضر ونعم وبس قال بعصبية: انتي كمان هتردى عليا

ريهام بثقة: ابداء ي اونكل انا بس بسأل حضرتك ما هو اكيد خوفك
ده مش هيكون عليا انا بس اصل انا مش اعز من بناتك ولا ايه

ف اللحظة دى نزلت رجاء Bonsoir : (مساء الخير) خير ي
جماعة ليه صوتكم عالي؟

ماهر بتمثيل: عجبك بنتك ي رجاء راجعة ف وقت متأخر وكمان
بتعلى صوتها عليا عشان خايف عليها

رجاء: الكلام اللي بيقولوا اونكل ده حصل ي اسراء؟

ريهام (اسراء): محصلش انا معليتش صوتى انا بس سألت اونكل
سؤال وهو مردش عليه

رجاء: سؤال ايه؟!

ريهام بنظرة تحدى لماهر: ايه ي اونكل تحب اسأل السؤال ادم
مامى ولا.....

ماهر بسرعة: خلاص ي رجاء ي حبيبتى متكبريش الموضوع
وانتى ي ايسو روحى ع اوضتك اكيد انتى راجعة تعبانة

بالفعل دخلت ريهام مع ملك ع الفيلا وانبهرت بشياكتها وفخامتها
صفرت باعجاب وقالت :ايه العز ده كله انا كنت بشوف الحاجات
دى ف الافلام وبس

ملك: ي بنتى قولى ما شاء الله

ريهام: ما يحسد المال الا اصحابه ياختى اسكتى

ملك: طب ادمى عشان اوريكى غرفة اسراء يلا

بالفعل دخلتها ملك ع الغرفة وبعدها انفجرت بالضحكريهام
باستغراب: انتى شاربة حاجة ولا ايه بتضحكى ع ايه؟!

ملك: ع اللى حصل تحت من شويه انا لحد الان مش عارفة انا
مسكت نفسى كل ده ازاي مش قادرة اتخطى رياكشن اونكل ماهر

ريهام: تؤ خدى من ده كثير ولسه الجاى هيبهرك اكثر

ملك: انا كده بقى هروح وانا مطمئة عليكى اهم حاجة تتعاملى ع
انك اسراء ومتنسيش ولا حاجة من اللى علمتها ليكى اوك

ريهام: خلصنا يلا اتكلى

ملك : اتكلى اه ربنا يستر ومتكشفيش ي بيئة

قالت كلمتها وجريت ...ريهام: هتروحي منى فين هنتقابل ي قطة
فى مكان تانى ف شقة ريهام كانت شقة بسيطة ف مكان عادى مش
شعبى دخلت ع ام ريهام واسمها مجيدة
اسراء: معلش ي طنط حقك عليا انى اتأخرت
مجيدة بابتسامة حزينة: ولا يهكم ي بنتى هى ريهام كويسة؟
اسراء: اه كويسة وزى الفل متقلقيش المهم انتى اتعشيتى واخذتى
علاجك ولا لسه؟
مجيدة: اه الحمدلله بس عاوزة اكلم ريهام اطمن عليها
اسراء: عيونى حاضر
مسكت الفون ورننت ع ريهام واتكلمت مع امها واطمنت عليها
وبعدها قفلت
اسراء: ها بقى ي ست الكل اطمنتى؟
مجيدة: شويه
اسراء: انتى قلقانة عليها بس ليه دى بنتك يتخاف منها ع فكرة
ضحكت مجيدة غصب عنها وقالت: ف دى عندك حق هى تقدر
تحمى نفسها كويس بس دى اول مرة من يوم ما اتولدت تغيب عنى
اسراء: او مال لما تتجوز بقى
مجيدة: ياااه يسمع منك ربنا ده اليوم اللى بتمناه بس هى عنيدة
ومش راضية توافق ع اى عريس وعارفة ان رفضها بسببى انا
عشان متسبنيش

اسراء: ان شاء الله ربنا هييعتلها ابن الحلال اللى يرضيها يلا بقى
نوم الوقت اتأخر وعندنا ميعاد بكرة عند الدكتور

دخلت اسراء ع غرفة ريهام وكانت غرفة بسيطة جدا بس رقيقة
قربت من الشهادة اللى متعلقة ع الحائط واتصدمت لما عرفت انها
خريجة سياسة واقتصاد بتقدير امتياز

فى الفيلا عند ريهام كانت اخدت شاور وخرجت قعدت بالالوضة
سمعت الباب بيخبط

ريهام: ادخل

رحاب الخادمة: اتفضلى ي حبيبتي العشا

ريهام: ميرسى انا كنت جعانة اوى

رحاب: تمام يلا اتعشى بقى عشان تاخدى العلاج بتاعك قبل ما
تنامى

ريهام: علاج! علاج ايه؟!

رحاب: البرشام اللى الدكتور كاتبه ليكى عشان تمشى عليه

ريهام: فين العلاج ده؟!

رحاب: ف الكومودينو

ريهام: طيب روحى انتى وانا لما اتغشى هاخده

رحاب: مينفعش انا بفضل مستتية لحد ما تاخديه ادامى واطمن انك
مطنشتيش

ريهام: اممم ماشى

بدأت تاكل لحد ما شبعت وبعدها طلبت منها تجيب ليها عصير
نزلت رحاب وفتحت ريهام الكومودينو واتفاجأت ان البرشام اللي
جوة العلبة مش مطابق للاسم اللي ع العلبة وبسرعة طلعت برشام
مسكن من شنطتها وحطيته مكانه قبل ما رحاب تطلع

رحاب: اتفضلى ي سیتی احلى كوباية عصير بالدنيا

ريهام: تسلم ايدك الا هو مين اللي بيحبيب ليا العلاج ده؟

رحاب: انا بنفسى اللي بجيبه كل ما يخلص

ريهام: ومين بقى اللي طلب منك تتأكدى انى باخده باستمرار

رحاب: مامتك

ريهام: اوك

شربت العصير واخذت الحباية ولما نزلت رحاب عملت سيرش ع
الجوجل واتفاجئت ان البرشام ده بيحبيب اكتئاب ويسبب هلاوس
سمعية وبصرية

فكرت ريهام ايه مصلحة رحاب انها تعمل حاجة زى دى الا اذا كان
حد طلب منها تعمل كده ...عدى اليوم وتانى يوم الصبح اتصلت
ريهام ع اسراء

ريهام: ماما عاملة ايه؟

اسراء: الحمدلله احنا لسه راجعين من المستشفى واخذنا ميعاد
للعملية

ريهام: طب الحمدلله بقولك ايه انتى ليه مقولتليش انك بتاخذى
علاج؟!

اسراء: اوبس نسيت

ريهام: هو العلاج ده لايه بالظبط؟!

اسراء: ده فيتامينات وكمان مقوى للذاكرة

ريهام: مين الدكتور اللى كتبه ليكى؟

اسراء: دكتور عصام ده دكتور العيلة وصاحب عمو ماهر

ريهام: صاحب عمو ماهر قولتيلي

اسراء: ليه هو ف ايه؟!

ريهام: فيه ان البرشام اللى بتاخدیه ده هو السبب ف التهيؤات اللى
كنتى بتشوفيه بليل ووووو.....يتبع

#شبيهتى_القوية_الثانى

-فيه ان البرشام اللى انتى بتاخدیه ده هو السبب ف التهيؤات اللى
كنتى بتشوفيه بليل وده معناه ان فيه حد هنا عاجز يجننك

اسراء بدموع: ايه الكلام اللى بتقوليه ده يا ريهام وازاى عرفتى؟!

ريهام: العلبة عكس الشريط اللى جوة ده تمويه عشان انتى
متعرفيش الحقيقة ولانهم عارفين انك هبله

اسراء بوجع: عندك حق انا فعلا اكبر هبله

ريهام: انا اسفة متزعلش منى والله مقصدش انا بس عاجز اكي
تفوقى لان الطيبة الزيادة دى مش كل الناس تستحقها ومتقلقيش انا
هعرف مين ورا الموضوع وغايته ايه

اسراء: انا متشكرة اوى ليكى ي ريهام وحقيقى بشكر الصدفة اللى
عرفتني عليكى

ريهام بابتسامة: ولا يهتمك ي قمر خلى بالك من ماما وسلميلى عليها
كثير

قفلت ريهام وقالت بصوت عالى: شكل الحوارات وراكى كثير ي
اسراء بس انا هعرف اجيبلك حقك بعون الله

مسكت فونها ورننت ع ملك اللى كانت لسه نايمةملك: كنسلت
عليكى مرة افهمى انى مش عاوزة اكلملك وعاوزة انام ي رخصة

ريهام: مش وقت استظرافك فوقى كده عشان ورانا مشوار

ملك وهى بتتعدل: مشوار ايه ان شاء الله؟!

ريهام: هنروح عيادة دكتور عصام

ملك باستغراب: اشمعنا؟!

ريهام: مش هنقعد نرغى ع الفون كثير خرينا نتقابل وهفهمك ف
الطريق

ملك: اوك مسافة السكة

بالفعل قامت ملك لبست وراحت لريهام اللى اول ما شافتها قرصتها
...ملك: عااا انتى حيوانة ايه اللى عملتية ده؟!

ريهام: عشان تبقى تقوليلى ي بيئة تانى العلامة دى بقى تخليكى
متنسيش انى ريهام مش اسراء

ملك: اعوذ بالله يلا احكيلى

بدأت ريهام تحكى كل حاجة لملك اللى كانت مصدومة ومش
مصدقة ...ملك: ي خبر طب مين ليه مصلحة يعمل كده وبعدين انتى
رايحة لدكتور عصام ليه؟

ريهام: هتفهمى لما نوصل

اول ما وصلوا ع العيادة وكشف عصام ع ريهام ع انها اسراء
....عصام: عال اوى صحتك احسن كتير وقفى العلاج بقى

ريهام: اى علاج؟!

عصام: كل الادوية اللى انا كنت كاتبها ليكى

اخرجت ريهام العلبة من شنطتها وقالت: قصد حضرتك ع البرشام
ده؟

عصام: ايوة

بعدها خرجت شريط وقالت لعصام : طب وده؟!

عصام بصدمة: ايه ده مين اللى كتبلك البرشام ده؟!

ريهام وهى بتراقب رياكشاناته وكلامه: هو مش حضرتك اللى
كاتب ليا العلاج ده؟

عصام: لا طبعا مستحيل اكتب لاي مريض دوا زى ده ي بنتى ده
جرعة زيادة منه ممكن تخلق الانسان يدمنه ويكون سبب ف جناحه
وانتحا*ره

ملك بصدمة: ي نهار ازرق ده طلع بجد

عصام: مين اللى خلاكى تاخدى من الدوا ده ي بنتى

ريهام بسرعة: لا مش انا اللى باخده دىدى واحدة صاحبتنا
وكنت عاوزة اتأكد من حضرتك اذا كان العلاج ده كويس او لا

عصام: اطلبى منها توقفه وكمان تباشر مع دكتور عشان تعرف
مدى تأثيره عليها

ريهام: تمام شكرا ي دكتور بس ممكن اطلب من حضرتك طلب؟

عصام: طبعاً ي بنتى اتفضللى

ريهام: مش عاوزة حد يعرف ان انا جيت كشفت النهاردة من البيت ممكن!

عصام باستغراب: طب ليه انتى بقيتى زى الفل

ريهام: عاوزة ادلع عليهم شويه واعرف غلاوتى عندهم

عصام بضحك: ماشى ي سیتی حاضر

بعد ما خرجوا ونزلوا ...ملك: تعالى هنا فهمينى انتى جيتى هنا ليه؟!

ريهام: كنت عاوزة اتأكد الدكتور ده متفق معاهم ولا لا وواضح انه ميعرفش حاجة فهمتى

ملك: ي سلام ي اختى وحتى لو كان هو كنتى هتعملى ايه يعنى؟!

ريهام بضحك: معلش مش هعتب عليكى اصلك لسه متعرفنيش يلا ادامى عشان تروحينى

ملك: ايه مش هتقابلى اسراء وتزورى مامتك

ريهام: النهاردة لا عاوزة اروح اقعد هناك من بدرى وامخمش ليهم

ملك بضحك: ربنا يستر عليهم

عند اسراء كانت نازلة من بيت ريهام بعد ما استأذنت من امها عشان كانت مخنوقة خصوصاً بعد اللي عرفتته من ريهام لقت شاب عمال ينده عليها بس هى مش سمعاه فمسك ايدها: ريهام لو سمحتى اسمعينى

اسراء وهى بتبعد ايده: ابعد ايدك عنى ي جدع انت وبعدين انا مش ريهام

الشاب باستغراب: مش ريهام ازای يعنى؟!

اسراء بسرعة بعد ما استوعبت: انت مين وعاوز منى ايه؟!

الشاب باستغراب اكثر: انا مين؟! انتى نسيتى حبيبك خلاص ي ريهام انا عارف انى بقالى سنة غايب عنك تنسينى بسرعة كده

اسراء باستيعاب: لا مش قصدى كده اقصد انت جاى عايز منى ايه دلوقتى؟!

الشاب: عاوز افهمك انا اختفيت ليه وراجع ليه ممكن بس نقعد ف مكان ونتكلم

اسراء باستسلام: اتفضل

راحوا ع اقرب كافيه وقالها: بعد ما انتى عرفتى انى مدمن قررت اعالج نفسى وروحت مصحة نفسية والحمدلله ف ثلاث شهور اتعافيت نهائى وبدأت اصلى واقرب من ربنا وربنا كرمنى وسافرت الامارات واشتغلت هناك ف شركة وكمان بكمل الماجستير زى ما انتى كنتى بتتمنى انا قررت ابعد فعلا عشان لما ارجع ارجعك زى ما كنتى انتى عايزانى

اسراء: طب الحمدلله انك اتغيرت لنفسك قبل اى حاجة بس انا مش فاهمة انت عاوز منى ايه دلوقتى يا.....

الشاب: احمد ي ريهام واكيد يعنى عاوزك تسامحينى وتعطينى فرصة

اسراء: ايوة بس انا مش ريهام ووووووو..... يتبع

-ايوة بس انا مش ريهام ومقدرش ارد عليك بخصوص حاجة زى دى استنى اسألها الاول واراد عليك

احمد باستغراب: مش ريهام ازاي يعنى ويعنى ايه تسألها وتردى
عليها دى ريهام انتى للدرجة دى مش عاوزة تسامحينى؟!!

اسراء باستيعاب: احم لا مش قصدى كده بص ادينى فرصة افكر
وارد عليك اوك

احمد: تمام وانا عن نفسى مش هياس وهستنى ردك حتى لو
اضطريت استناكى العمر كله

دمعت عيون اسراء من كلام احمد وسألته: للدرجة دى بتحبها
...اقصد بتحبينى؟!!

احمد: اكثر بكتير من بحور كلمات حب وغرام

حست اسراء بنغزة ف قلبها لما افكرت يوسف ومعاملته الجافة
والقاسية ليها واد ايه كانت تتمنى انها تسمع منه كلام زى ده ويحبها
بالشكل ده فاقت ع صوت فونها وكانت ملك: ايه ي ايسو انتى فين؟

اسراء: انا بالكافيه انتى فين؟!!

ملك: هوصل ريهام الفيلا واجيلك حالا

اسراء: اوك ي قلبى هستناكى ف المكان بتاعنا باى

قفلت اسراء وقامت وقفت: عن اذنك ي استاذ احمد انا لازم امشى
دلوقتى

احمد: استاذ! طب ..طب انا ممكن اوصلك لو حابة يعنى

اسراء: لا شكرا انا حابة اتمشى لوحدى

احمد: طب ...طب يعنى ..يعنى هو انا هعرف قرارك امتى؟!!

اسراء بابتسامة: انت مش لسه قايلى هتستنانى العمر كله ايه لحقت
ترهق؟

احمد: لا والله ابدأ أنا بس خايف اخسر ك

اسراء: سيبيها لله واللى فيه الخير يقدمه ربنا عن اذنك باى

خرجت اسراء من الكافيه وقررت تتمشى لحد المكان اللى متعودة
تقعد فيه هي وملك لانها كانت مخنوقة جدا

عند ملك اللى وصلت ريهام ع الفيلا اول ما دخلوا الجنيينة كان ولاد
عمها رجعوا من السفر وكانوا قاعدين بيضحكوا واول ما سيليا
شافت ريهام جريت عليها ع انها اسراء وحضنتها: وحشتيني اوى
ي ايسو انا ز علانة انك مكنتيش معانا

بادلتها ريهام الحضن وقالت: معليش ي بسكوتة تتعوض

سيليا بضحك: بسكوتة ... اول مرة تقوليلي كده

ريهام: لا ي سیتی اتعودی لانك هتسمعى منى كده كتير

قرب منهم سيف وقال: ازيك ي ملك

ملك ببرود: اهلا

سيف: ايه ي ست اسراء دخلتى كده يعنى لا سلام ولا كلام

ريهام: معليش... ثم وجهت كلامها لملك: بقولك ايه ي لوكا انا هطلع
اخذ شاور لان الجو حر

سلمى اللى قربت وهي ماسكة كوباية مياه بايدها: ايوة فعلا الجو نار
لازم تاخدى شاور بسرعة جدا

وفي ثانية كانت رامية المياه ع ريهام وفضلت سلمى وسيف
يضحكوا عليها كانت ملك هتتكلم لكن قاطعتها ريهام وقالت: ميرسى
ع الشاور الخفيف ده وانتى كمان محتاجة شاور برضه

وبحركة سريعة جدا مسكت ايد سلمى ورميتها ف حمام السباحة
وقالت: المياه هتتضفك من برة ع اما ابقى اشوف حاجة تتضفك من
جوة

ابتسمت ملك بفرحة اما سيف وسيليا كان واقفين مصدومين معقول
دى اسراء ف موقف زى ده كانت هتاخذ بعضها وتطلع تعيط
كالعادة ايه الجبروت اللى نزل عليها فجأة ده؟ مشيت ملك بدون كلام
وجرى وراها سيف

سيف: ملك ي ملك

ملك ببرود: افندم خير؟!

سيف: ملك انتى عارفة كويس ان انا معجب بيكى جدا مش عارف
سبب رفضك ليا ايه؟!

ملك: بجد مش عارف طيب اعرفك انا .. انا معنديش استعداد ارتبط
بواحد ملوش خير بأهله ما هى اسراء بنت عمك دى من دمك
ولحمك وملهاش حد بعد ربنا غيركم فلما دى تكون معاملتك ليها
هتعمل فيا انا ايه؟! ع العموم الكلام ده ملوش لازمة منى لان انت
اللى كان لازم تفوق وتتقى الله فيها وزى ما بتعامل اخواتك البنات
تعاملها واللى مترضهوش ليهم مترضهوش عليها فهمت بقى انا
مستحيل احبك ليه !

حس سيف ان حد وقع جردل مياه ساقعة عليه كل كلمة اتقالت من
ملك كانت عندها حق فيها مشيت ملك بدون ما سيف يلاحظ اختفائها
من شدة تأثيره وتفكيره بكلامها اخذ بعضه ورجع مكانه

سلمى: جرى ايه ي سيف انت هتخلى كلام بت زى دى يآثر عليك
ولا ايه!

سيف: احترمى نفسك ومتقوليش عليها بت تانى وبعدين هى عندها
حق ف كل كلمة قالتها

سيليا بفرحة: صح كده ي سيف وهو ده الكلام اللى لسانى اتدل دل من
كتر ما بقوله

سلمى بغضب: اخرسى انتى وبعدين انتى بتدخلى ليه اصلا ف كلام
الكبار؟!!

سيليا بتهكم: كبار! الكبير بيكون كبير بعقله ونضجه مش بسنه ي
ست سلمى عن اذنكم

مشيت سيليا... سيف: حتى البنت الصغيرة اللى بسن المراهقة
طلعت بتفهم عننا

ساب سيف سلمى لوحدها والغضب بيحرق فيها من اسراء طول
عمرها بتغيير من تفوقها ومحبة الناس ليها

فوق عند ريهام بعد ما اخدت الشاور وخرجت شافت حد بيفتح
الدرج عندها

ريهام: احم احم

لف الشاب وشه بخضة وقال: ايه ده خضتينى ي زفتة مش تخبطى
قبل ما تدخلى

ريهام ببرود: والله بجد اخبط قبل ما ادخل اوضتى لا حلوة دى
المفروض انا اللى اعرف بتعمل ايه هنا ي يوسف؟!!

يوسف: المفروض ان فيه برشام هنا اناى بتاخدى منه لما انا تعب
واخدت منه ريحنى عاوز واحدة

ريهام باستغراب: اى برشام؟!!

اخرج يوسف العلبة وقالها: من ده بس دى مش شكل الحباية!

ريهام: لا هما غيروه اقصد كشكل يعنى

يوسف: يعنى غيروا شكل الشريط والحباية والعلبة زى ما هى
سبحان الله

ريهام: انت بقالك اد ايه بتاخده؟!

يوسف: انتى مالك انتى هتصاحبينى ولا ايه؟

ريهام:ميشرفنيش اصلا

يوسف بغضب: اتمسى بدل ما انتى عارفة انا ممكن اعمل ايه!

ريهام: لا ده كان زمان من هنا ورايح حدودك متتعدهاش انت فاهم

رفع يوسف ايده عشان يضربها كالعادة لكنه اتفاجئ انها بتمسك ايده
بكل ثبات وثقة واتكلمت بحدة: ايدك دى لو اترفعت عليا تانى
صدقنى محدش غيرك اللى هيزعل اطلع برة اوضتى وحسك عينك
تعتبها بدون استأذان

خرج يوسف وهو ف قمة غضبه وصدمة ف نفس الوقت ازاي
جالها الجرأة تعمل كده واثناء خروجه شاف خيال بيجرى من ادامة
ووووو.

ثناء خروج يوسف من غرفة اسراء شاف خيال بيجرى ادامة
غمض عيونه وفتحها لقي الخيال بيجرى عكس الاتجاه جري يوسف
ناحيته وهو بيقول: استنى اقف عندك ي جبان

خرج الجميع ع صوت يوسف العالى لكن صدمتهم كانت كبيرة لما
لقوه بيتكلم مع حد مش موجود وبيتخانق معاه ...يوسف: انت لو
راجل هتواجهنى وش لوش مش هتعمل زى الحرامية

ماهر بتعجب: انت بتكلم مين ي ابنى؟!

يوسف: بكلم الحيوان ده ي بابا هكون بكلم مين يعنى

ماهر: يوسف مفيش حد غيرنا

يوسف بصريخ: يعنى ايه مفيش اومال اللى انا ماسكه ده بيقى مين
انتم عاوزين تجننوني

رجاء بحزن: اهدى ي حبيبي معلش اصل احنا خايفين عليك بس
سيبه و نتفاهم

ماهر بوشوشة: يسيب مين انتى كمان هو انا اللى اتعميت ولا ايه؟!!

رجاء: ارجوك ي ماهر هاوده وخده ع اد عقله لحد ما نتصل ع
الدكتور عصام يجي يكشف عليه

ماهر: خلاص ي يوسف سيبه والحرس هيعلموه الادب يا سيف خد
اخوك ع اوضته عشان يرتاح

بالفعل اخده سيف ع اوضته وبمجرد ما دخل نام ع طول وبعد مدة
بسيطة وصل دكتور عصام وكشف ع يوسف وخرج ليهم

رجاء: خير ي دكتور؟!!

عصام: لازم يوسف يحلل ضرورى واشوف التحاليل دى بكرة

وهنا خطرت بدماع ريهام فكرة وقالت بعلو صوتها: ي دكتور
عصام يوسف بياخد من العلاج اللى حضرتك كتبته ليا

عصام: قصدك البرشام اللى حضرتك منه؟!!

ريهام: ايوة ومن اول يوم كمان

عصام: دى كارثة ده معناه ان يوسف ادمنه وبكده لازم يتنقل ع
مصحة نفسية ف اقرب وقت عشان نلحقه

بدأت ريهام تراقب رياكشانات كل الموجودين وكانت عندها ماهر
وسلمى وسيف بالاحص ولاحظت توتر سلمى وانها بتفرك بايدها
وشافتها بتهرب وتدخل ع اوضتها

عند ملك واسراء....حكى ملك الى حصل لاسراء الى كانت
بتسمع ليها باستمتاع: والله جدعة كان نفسى اكون موجودة عشان
اشفى غيللى

ملك: المهم دلوقتى انتى لازم تعملى تحاليل عشان نعالجك من
الزفت ده ف اقرب وقت

اسراء: ان شاء الله هبدأ من بكرة صحيح هى ريهام مجتش معاكى
ليه؟

ملك: هى قالت انها عاوزة تروح من بدرى الفيلا عشان تمخض
ليهم

اسراء: طب رنى عليها كده عاوزة اكلمها ضرورى

بالفعل رنت ملك ع ريهام الى دخلت ع اوضتها وردت...اسراء:
الو ي ريهام كنت عاوزة احكيك ع حاجة ... وبدأت اسراء تقولها ع
الى دار بينها وبين احمد

ريهام بفرحة: بجد طيب هو فعلا متعافى ولا بيضحك عليكى؟!

اسراء: معتقدش لان شكله وكلامه ميدلش ابداه انه واحد متعافى

ريهام: طيب بصى مترديش عليه واهربى منه بأى حجة او ك

اسراء: او ك معرفتيش مين الى بيحطلى البرشام؟!

ريهام: انا شاكة بس قريب اوى هتأكد وعاوزة اقولك ان السحر
اتقلب ع الساحر

اسراء: ازاي يعنى؟!

ريهام: اللى اسمه يوسف طلع بياخد من البرشام ده وادمنه ودكتور
عصام قال انه لازم يتحول لمصحة عشان يتعالج
اسراء بدموع: ايه؟ يو...يوسف! لا يوسف لا طب ..طب هيعمل ايه
ولا هيبقى كويس ازاي؟!

ريهام: ما قولتلك لازم يروح مصحة
اسراء: انا جاية حالا لازم اشوفه واطمن عليه بنفسى
ريهام: انتى مجنونة تيجى فين كده امرنا هيكشف
اسراء: مش هقدر ي ريهام لازم اشوفه واطمن عليه عشان خاطرى
بليز

ريهام: خلاص استنى لحد ما يروح المصحة وابقى روحى زوريه
هناك وخلاص

اسراء: م..ماشى بس خلى بالك منه عشان خاطرى
ريهام: ان شاء الله ماما كويسة؟!

اسراء: اه الحمدلله انا هروح ليها دلوقتى

ريهام: اوك باى

قفلت ريهام ونزلت ع المطبخ وشافت رحاب وصفاء واقفين
بيتكلموا

ريهام: احم مساء الخير

صفاء: مساء النور ي بنتى محتاجة حاجة؟!

ريهام: كنت علوزة اشرب بس

صفاء: الا صحيح اللى سمعناه ده ي ست اسراء

ريهام: ايه اللي سمعتوه؟!!

صفاء: ان استاذ يوسف طلع مدمن

ريهام: للاسف ايوة طلع بياخد من البرشام اللي كان مكتوب ليا
والبرشام طلع متبدل يعنى فيه حد كان عاوز ياذيني

كل ده وعيونها ع رحاب اللي اتوترت وكانت بتبعد نظرها عن
ريهام اللي قربت منها: انتى بعضمة لسانك قولتيلي انك انتى اللي
بتجيبلى البرشام لما بيخلص ومبتخرجيش غير لما بتتأكدى انى
اخذته يعنى انتى كنتى عارفة كويس ان البرشام ده متبدل

رحاب بتوتر: مين... انا... لا طبعا مستحيل اعمل حاجة زى دى
ابدا

ريهام: امممم حلو اوى الكلام ده بيقى لما تيجى بقى ادام الظابط
قولى الكلمتين دول وخلي بالك انا سجلت كلامك يعنى انتى هتشيلى
الليلة وتروحي ف ستين داهية

رحاب وهى بتمسك ايدها: ابوس ايدك ي ست اسراء انا مليش ذنب
حتى اقسم بالله العظيم ما اعرف ان البرشام بيتبدل لان مش انا اللي
بجيبه اصلا

ريهام: او مال مين؟!!

رحاب: عمك هو اللي بيجيبه ليكى دايما

ريهام باستغراب: عمى؟!!

رحاب: ايوة

ريهام: يعنى هو اللي طلب منك تتأكدى انى باخده مش كده؟!!

رحاب: لا مش هو دى الست سلمى

ريهام: وكذبتي ليه عليا وقولتي ان ماما هي اللي طلبت منك كده!

رحاب: ست سلمى هي اللي طلبت مني كده عشان يعنى انتم ع
خلاف دايما بس هي بتحبك وعاوزة مصلحتك

سرحت ريهام شويه وابتدت تفكر هل سلمى وماهر متفقين مع
بعض ولا فيه حاجة تانية هي لسه متعرفهاش فاقت ع صوت
رحاب: والنبي يا سیتی سامحینی انا والله ضحية وممكن اقول كده
ادام الظابط عادى انا فعلا مظلومة

ريهام: خلاص ي رحاب اهدى انا هطلب منك خدمة واحدة وانتی
کمان ي دادة صفاء الكلام ده ميطلعش برة لجنس مخلوق لا جوة
البيت ولا براه

رحاب وصفاء: حاضر

طلعت ريهام ع غرفتها وسمعت صوت سلمى بتتكلم مع حد وسايبة
باب الاوضة مفتوح وقفت ريهام وسمعتها بتقول: بقولك يوسف
اخويا طلع بياخد من البرشام اللي كنت باخده للزفة

-بقولك يوسف اخويا طلع بياخد من البرشام اللي كنت بجيبه للزفة
الى هنا دى اعمل ايه ولا هيتعالج ازاي؟!

شخص مجهول: اهدى ي حبيبي يروح مصحة وهيتعالج عادى

سلمى: ايوة بس انا خايفة اوى ي اسر يحصله حاجة وكمان مش
هينفع يروح مصحة لو الصحافة عرفت هنتفضح وسمعتنا هتبقى ف
الطين وشغل بابا هييوظ

اسر: اهدى بقى توترك ده هيفضحك قصادهم اتعاملى عادى
وابوكى اكيد هيتصرف المهم عاوز اقابلك

سلمى: نتقابل فين؟

اسر: انا اشتريت الشقة اللي انتى قولتى عليها وعاوز افرجها ليكى
وبعدها اجى اتقدملك ع طول

سلمى بفرحة: بجدي اسر انت عملت كده عشانى انا واخيرا علاقتنا
هتطلع للنور

اسر : ايوة طبعا بعمل كل ده عشانك انتى انا بحبك اوى ي روى
سلمى: وانا بموت فيك

اسر: هقفل انا دلوقتي عشان عندى شغل اوك وهكلمك لما اخلص
سلمى: اوك ي روى باى

سمعت ريهام الكلام واخذت بعضها بسرعة ودخلت ع اوضتها قبل
ما سلمى او حد تانى يشوفها طلعت فونها ورننت ع اسراء

ريهام: ازيك ي اسراء

اسراء بحزن: الحمدلله ع كل حال طمئنى ع يوسف اخباره ايه؟

ريهام: ان شاء الله هيكون بخير المهم كنت عاجزة اسألك عن حد
تعرفى واحد اسمه اسر؟!!

اسراء: لا مش فاكدة حد بالاسم ده

ريهام: طب حاولى بس

اسراء بتفكير: صدقيني معرفش حد انا مكنش ليا اصحاب شباب
ودائرة معارفنا محدودة بس ليه بتسألى؟!!

ريهام: هتعرفى كل حاجة ف الوقت المناسب المهم ماما عاملة ايه؟

اسراء: الحمد لله بخير اخدت العلاج ونامت حاولى تعرفى كل حاجة
قبل ميعاد العملية عشان تقدرى تكونى جنبها

ريهام: ان شاء الله هروح انام وبكرة الصبح هبقى اجى اشوفها
واقعد معاكم شويه

عند اسر بعد ما قفل المكالمه بص لابوه بخبت: مبروك ي بابا
مهمتنا الاولى تمت وبدون مجهود كبير

سامى: ايوة بس بنت عمها متهمناش ف حاجة انا يهمنى ولاد ماهر
المنسى مش بنت اخوه

اسر: اللى انت متعرفوش ي والدى ان يوسف ابن ماهر هو كمان
كان بياخد من البرشام وبقى مدمن رسمى

سامى بشماتة: بجد اوعى تكون البت دى بتشتغلك

اسر بضحك: مين دى اللى تشتغلنى دى زى الخاتم ف صباعى
وانت سمعت بودنك

سامى: حلو اوى الجاى هتبقى بنته وبكده هنضربه ف مقتل بجد
عشان يفكر الف مرة قبل ما ينافسنى ويتحدانى

اسر: بس لازم خبر زى ده ينتشر بسرعة ابن رجل الأعمال
المعروف ماهر المنسى وذراعه الايمن يتعاطى المخد*رات

سامى بخبت: لازم يتصدر السوشيال كله وبالدليل كمان

اسر: ازاي ؟!

سامى: نستنى لما يروح المصحة وهيكون سهل علينا اوى اثبات ده

اسر: ايوة بس ماهر المنسى مش ع نياته للدرجة دى عشان يودى
ابنه مستشفى يتعالج فيها ده ممكن يحوله البيت مستشفى عشان يكتم
ع الخبر ده

سامى: حتى لو اللى بتقوله حصل انت كده كده معاك الورقة
الكسبانة هتطلب منها تصور اخوها وتبعثلك صورته مع الكشوفات
والتحاليل بحجة انك عاوز تشوف لنسييك المستقبلى دكتور كويس
خصوصاً انك حاسس بالذنب اتجاهه

اسر: انا برفع القبة تقديرًا لعقليتك الجامدة دى ي حاج والله

عند ماهر اللى كان قاعد حاطط ايده ع خده وبيفكر وباين عليه
الحزن... رجاء: ماهر مينفعش ابدأ تكون ضعيف وحزين ان شاء
الله يوسف يروح المستشفى ويتعالج ويكون بخير

ماهر: مستشفى ايه اللى يوسف يدخلها ي رجاء انتى عارفة بمجرد
رجله ما هتخطى هناك سيرتنا هتبقى ع كل لسان وهتفتح علينا
ابواب قعدت احارب سنين عشان اقلها ده غير شماتة اللى يسوى
واللى ميسواش

رجاء: يعنى ايه هنسيب الولد كده؟!!

ماهر: لا انا هطلب من عصام يشوف حل وكل اللى كان هيتحاجه
بالمستشفى هجييه ليه هنا

رجاء: وماله ي حبيبي وانا هخلى بالى منه

ماهر: الحاجة اللى هتجننى حالياً يوسف مبيشر بش سيجارة ازاي
ممكن ياخذ برشام ويبقى مدمن؟

رجاء: مش يوسف بس كمان اسراء عشان كانت بتقول لدكتور
عصام كان بياخد من البرشام بتاعى

ماهر: يعنى ايه ده معناه ان فيه حد من جوة الفيلا عاوز يأذى الولاد
والغرض الاول اسراء ويوسف جه بالرجل

رجاء: ايوة بس مين ممكن يعمل حاجة زى دى وازاى اصلا وانت
اللى بتجيب العلاج لاسراء بنفسك

ماهر: مش عارف انا هتجنن بس وربى لو عرفت هو مين ما
هيرحمه من ايدى الا الموت

رجاء: ارجوك ي حبيبى اهدى العصبية مش هتفيدك بشئ لازم
تكون ريلاكس خالص عشان تعرف توصل للى انت عاوزه

عند ريهام تانى يوم طلبت من ملك تيجى توصلها عند البيت وفعلا
راحت ليها ملك واخذتها بالعربية ومشيت

عند اسراء كانت نزلت تجيب فطار ولما رجعت لقت احمد مستنيها
تحت البيت

اسراء: انت! انت بتعمل ايه هنا؟!!

احمد: من اخر مرة شوفتك متقبلناش ومش عارف اوصل لرقمك
عشان اطمن عليكى

اسراء: واديك اطمنت اتفضل امشى من هنا بقى عشان محدش من
الجيران يشوفنا مع بعض

احمد: طب ما انا ممكن اخرسهم عنك واجى اتقدملك

اسراء : اظن احنا اتكلمنا بالموضوع ده وقولتلك اعطينى وقت
افكر

احمد: حصل وانا لسه عند كلامى بس اعمل ايه ف قلبى اللى ع
طول وحشاه

اسراء: والله انت مجنون

احمد: انا فعلا مجنون بيكى ي ريهام

اسراء: انا لازم اطلع عشان ماما عايزة تفطر باى

سابتة اسراء وطلعت ع شقتها ابتسم احمد وركب عربيته عشان
يمشى واثناء ما وصل لاول الشارع كانت ملك داخلة وكانوا
هيخبطوا ف بعض ونزلت ملك وهى بتزعق وكمان ريهام: انت ي
اخينا مش تفتح ولا تعطى اى اشارة

احمد : ع فكرة انتى اللى غلطانة لان انتى اللى كان لازم تعملى
كده

كان لسه هيكمل كلامه لكن اتصدم لما شاف ريهام وبصدمة:
ريهام..ازاى مش ممكن وو

اتصدم احمد اول ما شاف ريهام نازلة من العربية وبتتخاق معاه:
ريهام...ازاى مش ممكن ده ابدا

ريهام برفعة حاجب: هو ايه ده اللى مش ممكن ان شاء الله ؟!

فكر احمد شويه وبعدها قال: ابدا انا بس مستغرب انك تحت دلوقتى
واحنا لسه بدرى اوى يعنى فكرتك لسه منزلتيش

ريهام: وادينى نزلت ليك فيه! ثم انا عاوزة اعرف انت جاى هنا ليه
دلوقتى!

احمد: عاوز اعرف ردك ايه ع اللى قولته ليكى

ريهام: واضن انى طلبت وقت افكر واحس انى مرتاحة بجد وبعدها
ارد عليك وانت قولت انك ع استعداد تستناني العمر كله ولا ايه!

احمد: أيوة وانا لسه عند كلامى بس يا ترى بقى السبب فعلا انك
محتاجة وقت تفكرى ولا فيه سبب تانى ؟

ريهام بثقة عكس توترها الداخلى: سبب تانى يعنى ايه؟!

احمد: ان مامتك هتعمل عملية قريب مثلا وده سبب رفضك

ريهام: اه فعلا ده برضه سبب

احمد: لو ده السبب فعلا فأنا حابب اتقدملك قبل العملية عشان اكون
جنبكم

ريهام: لا اطمن ع امى الاول وبعدها ربنا يسهلها من عنده

احمد: اللى تشوفيه يا ريهام بس اتمنى اسمع ردك قريب ع القليل
عشان قلبى يرتاح

بعدها اعتذر لملك ووسع ليهم الطريق ووصلت ريهام ع شقتها
وطلعت حضنت امها وفضلت تتكلم معاها كتير اسراء: ها ي
ريهام برضه معرفتيش مين ورا موضوع البرشام ده؟!

ريهام: سلمى بنت عمك وكانت بتجيبه من واحد اسمه اسر عشان
كده سألتك لو تعرفى حد بالاسم ده

اسراء بضحكة وجع: مش مستغربة كنت حاسة ان هى ليها يد بس
متوقعتش ابدأ ان غلها وغيرتها منى ممكن يوصلها لكده

ملك: الحمدلله ي حبيبتي انها جات ع اد كده المهم انك عرفتى بدرى
عشان تلحقى نفسك وتتعالجى

اسراء: طب يوسف راح مستشفى؟!

ريهام: لا عمك قلب اوضته مستشفى عشان ميخرجش والموضوع
يتعرف

اسراء بحزن: انا لازم اشوفه

ملك: مينفعش ي اسراء تروحي كده سر كم هيتكشف

اسراء: لا هيتكشف ولا حاجة انتى هتاخذينى تودينى اطمئن عليه
وارجعى خدى ريهام بعدها سهلة اهى

ملك باستسلام: اللى تشوفيه

ريهام: خدونى معاكم

ملك: ناخذك معانا فين افرضى حد شافك

ريهام: ي سیتی هستناكم ف العربية بعيد محدش هياخد باله

ملك: طب يلا قوموا عن اذنك ي طنط

نزلوا الثلاثة وركبوا العربية واتحركوا ناحية الفيلا ومش واخذين
بالهم من احمد اللى كان ماشى وراهم لحد ما وصلوا وركنت ملك
عربيتها بعيد شويه وسابت ريهام ونزلت هى واسراء ولما بعدوا
فتح احمد العربية وركب جنب ريهام

ريهام بخضة: ايه ده انت بتراقبنى ولا ايه؟!

احمد بحدة: انا عاوز اعرف دلوقتى حالا انتى مخبية عنى ايه!

ريهام: هخبى عنك ايه يعنى؟!

احمد: ريهام متلفيش وتدورى كتير البنت دى شبهك جدا وقاعدة ف
بيتك مكانك ليه؟!

ريهام بابتسامة: وانت عرفت منين ان انا ريهام مش هى!

احمد بثقة: عشان شراستك دى مش موجودة فيها كمان نبرة الصوت
انا كنت حاسس من الاول ان فيه حاجة غلط بس قولت يمكن الايام
غيرتك وبقيتى رقيقة زى البنات

ريهام بحدة: نعم ي حيلتها تقصد تقول انى مش بنت زى البنات

احمد: انتى ست البنات كلها وحببيتى كمان

ابتسمت ريهام بخجلاحمد: عاوز اعرف الحكاية بقى

بدأت ريهام تحكيه الموضوع من اوله وسط استغراب احمد اللى
قال بحدة: انتى ازاي توافقى ع حاجة زى دى اصلا افرضى امرك
اتكشف وقتها ممكن يحبسوكى بتهمة نصب او انتحال شخصية
وازاي مامتك وافقت اصلا!

ريهام: اولاً مستحيل انى اتكشف اديك شايف الشبه الكبير مفيش
حاجة بتفرقنا وكمان دى فرصة لو ضيعتها ابقى غيبة امى كانت
محتاجة عملية ف اسرع وقت كنت هعملها العملية ازاي من غير
فلوس!

احمد: انتى مش مضطرة تكلمى الموضوع السخيف ده رجعى ليها
الفلوس وانا هعطيها ليكى ونهى اللعبة دى

ريهام: الموضوع حالياً مبقاش فلوس وبس انا فعلا عاوزة اساعد
اسراء هى بنت كويسه اوى وانا حبيبتها

اثناء كلامهم شافوا سلمى خارجة من الفيلا بعربيتها ...ريهام: احمد
سوق ورا البت دى بسرعة او عى تخليها تهرب منك

احمد: انزلى ع عربيتى بسرعة

نزلت ريهام بعد ما اخدت مفتاح عربية ملك وقفلتها واتصلت ع ملك
وعرفتها انها بتراقب سلمى وانها تفضل مع اسراء لحد ما ترجع

...فضلوا ماشيين وراها بدون ما تحس وشافوها وهي بتحضن اسر
وركبت معاه عربيته وطلعوا ع شقة ف مكان بيتبنى جديد

سلمى: احنا جايين هنا ليه؟!

اسر بغمزة: عشان تشوفى الشقة بتاعتنا انتى نسيتى ولا ايه؟!

سلمى: ايوة بس مش هنا الشقة اللى انا اختارتها دى كانت ف
كومباوند متعمر فعلا

اسر: حصل بس للأسف اتباعت فقولت اشتري هنا واشطبها
بالتصميم اللى انت تختاريه

سلمى: بس المكان مقطوع اوى وبعيد ده حتى مفيش عمال!

اسر: النهاردة الجمعة وبيقفوا شغل النهاردة اجازة يعنى يلا انزلى
بقى

سلمى بتوتر: انزل! انزل فين؟

اسر: انزلى ي بنتى عشان اوريكى الشقة ف ايه انتى مش واثقة فيا
ولا ايه!

سلمى: لا طبعا واثقة فيك جدا وانت عارف كده كويس

اسر: او مال ايه بقى خايفة منى؟

سلمى: لا مش خوف بس يعنى المكان مقطوع وكده وانت بتقول
الشقة مش متشعبة يعنى ملهاش لزوم انزل

اسر بتمثيل: امممم يعنى احساسى صح وانتى مش واثقة فيا ع
العموم ماشى

دور عربيته عشان يمشى لكن وقفته سلمى: خلاص خلاص ي
حبيبى هطلع اشوفها

نزلت سلمى معاه وطلعت ع فوق وكانت الشقة متركب ليها الخشب
وكل حاجة دخلت ولقته قفل الباب وراه بالمفتاح وووو

-نزلت سلمى مع اسر وطلعوا ع الشقة اللى كان متركب فيها
الخشب وكل حاجة واول ما دخلوا قفل الباب بالمفتاح

سلمى بابتسامة متوترة: ف ايه ي اسر انت بتقفل الباب بالمفتاح
ليه؟!!

اسر: عشان محدش يز عجنا ويفصلنى ي بيبي

سلمى وهى بتبعد: حد مين اللى يز عجنا ده احنا بمكان مقطوع
ومفيش حد غيرنا تقريباً

اسر: زيادة امان برضه ما هو لما الفار بيدخل المصيدة الباب بيتقفل
ع طول عشان ميخرجش تانى منها

سلمى بخوف: يعنى ايه قصدك ايه؟!!

اسر بخبث: اللى انتى فهميته ي قلبى

سلمى بصريخ: الحقونى ي ناس حد يلحقنى بالله

اسر بضحك عالى وبيقلدها: حد يلحقنى من الوحش دهحد مين
اللى يلحقك ي شاطرة اصرخى من هنا للصبح محدش هيخلصك
منى

سلمى بدموع: حرام عليك ي اسر انا معملتش فيك حاجة وحشة ده
انا كنت بسمع كلامك ف كل كلمة بتقولها ملفات شغل بابا وسيستم
كاميرات المراقبة تحركاته هو واخواتى مكنتش بخبى عنك حاجة
عشان واثقة فيك

اسر: وده بقى اكبر سبب يخلينى اخاف منك واحدة خانت ثقة اهلها
مش هتخونى انا وبعدين انتى هتعملى فيها محترمة ما انتى عارفة
ان مش هيكون فيه غيرنا هنا وكمان انتى حلوة اوى ي لومة ومش
اسر الصباح اللى يكون نفسه ف حاجة وميدوقهاش

سلمى : اه ي حق*ير ي وا*طى انا ازاي كنت غيبة كده واتغشيت
فيك بالشكل ده

اسر: بقولك ايه ما توفرى مجهودك ده بقى وتيجى بالذوق
فضلت سلمى تصرخ بعلو صوتها وتستغيث وتستعطفه لكن ده كانت
خطته من البداية اقترب منها بوحش*ية ومز*ق البلوزة بتاعتها
ريهام: احمد... احمد اكسر الباب لازم نساعدنا

احمد بدون تفكير فعلا بدأ يكسر الباب واسر بعد عن سلمى بتوتر
وفجأة الباب اتفتح وجرى احمد ع اسر وبدأ يضر*به ويسدد ليه
لكمات متفرقة ف وشه اما ريهام جريت ع سلمى وقلعت البليزر
اللى كانت لابساها فوق هدمها ولبسته ليه وحضنتها وهى بتهدئها
ريهام: خلاص ي احمد كفاية خلىنا نمشى من هنا يلا

نزلوا الثلاثة وسلمى متشعبطة ف ريهام زى الطفلة الصغيرة ركبوا
العربية بعدها بدون كلام

ريهام: ودينا ع اى محل ملابس يقابلك ي احمد مينفعش تروح
كده؟!

احمد: تمام حاضر

دخلوا ع اقرب محل قابلهم وبدلت سلمى هدمها وخرجت وهى
بتبكي بشدة

ريهام مواسية: اهدى ي سلمى خلاص الحمد لله انك بخير

سلمى بحزن وندم: انا ز علانة من نفسى اوى ي اسراء انا عملت حاجات كتير غلط بسبب الحيوان ده لو بابا او يوسف او سيف عرفوا بيها هتكون نهايتى اكيد

ريهام: مفيش حد فينا مبيغلطش المهم اننا نفوق ونفهم قبل فوات الاوان

سلمى: انا عمرى ما هنسى ولا اسامح نفسى انا كنت السبب الاول ف اللى يوسف وانتى فيه

ريهام: عارفة

سلمى بصدمة: عارفة! عارفة من امتى!!

ريهام: مش مهم

سلمى: يعنى عرفتى وسكتى طب ليه مقولتيش لبابا وماما رجاء!

ريهام: اولا مكنش فيه دليل ضدك ثانيا كنت عاوزة اعرف مين اسر ده اللى ببساعداك

سلمى: طب عرفتى طريقى ازاي؟!

ريهام: شوفتك وانتى خارجى من الفيلا وراقبتك بصراحة

سلمى بحزن: ومع ذلك انقذتيني انا مكسوفة من نفسى جدا والله

ريهام: انسى ي سلمى كل اللى عدى وخلينا نبدأ صفحة جديدة اصحاب واخوات

عند اسراء اللى كانت قاعدة جنب يوسف وماسكة ايده وبتبوسها وبتعيط بحزن شديد: قوم بليز ي يوسف انا مش قادرة اشوفك كده

قوم زعق واتعصب عليا براحتك بس ارجع لصحتك تانى ي
روحي

كان يوسف سامعها ابتسم بالقوة وقال: بالرغم من كل اللي عملته
فيكي خايفة عليا

اسراء: طبعا ده انت حبي.....انت اخويا

يوسف: اخوكي

اسراء: ايوة وبعدين بطل كلام عشان متتعيش

يوسف: يعني انا اخوكي وبس

حست اسراء انها مكشوفة اوى قصاده فقالت: هستأذن انا عشان
عندي شغل

يوسف: انا بحبك

اتسمرت اسراء من جملة يوسف وكانت حاسة انها بتحلم فبصتله
وقالت: انت قولت ايه؟

يوسف: انا فعلا بحبك والله

اسراء وهي بتخبطه ع كتفه: وساييني الوقت ده كله ي اللي منك لله

يوسف بوجع: انا رجعت ف كلامي تانى خلاص مش عاوزك
امشي

ضحكت اسراء وكذلك يوسف وبعدها نام بسبب تأثير العلاج
خرجت اسراء وهي باين عليها الفرحة

ملك : ايه ي قمر مبسوفة كده ليه؟

اسراء: اخيرا قالها ي ملك الحجر نطق

ملك بفرحة: احلفي قالك بحبك

هزت اسراء راسها بمعنى ايوة حضنتها ملك وكان سيف جاي
يشوف يوسف

سيف: احم ازيك ي اسراء ازيك ي ملك

اسراء: الحمد لله ي سيف

سيف: اسراء ممكن كلمتين ع انفراد لو سمحتي

خافت اسراء لانها عارفة انه هيعمل فيها مقلب كالعادة او ممكن
يضر بها فبعدت بخوف... سيف: متخافيش ي اسراء انا بجد عاوزك
ف موضوع مهم

مشيت معاه اسراء وكانت ملك متابعم بعيونها... سيف: انا مش
عارف ابدء منين او ازاي بس انا اسف

اسراء باستغراب توتر: ال.. اسف ع ايه؟!

سيف: اسف ع كل مرة زعلتك فيها وجيت عليكى وع كل مرة ايدى
اترفعت فيها عليكى بقصد وبدون اسف انى كنت دايمًا بجرحك
وباجى عليكى انا فعلا زعلان من نفسى وعارف ان اى اعتذار مش
هيكون مقبول

اسراء بدموع: هو.. هو انت بتتكلم بجد ولا بتضحك عليا!

اول ما سيف شاف دموعها عيونه دمعت مسك راسها وايدها باسهم
وقال: والله بجد حقك عليا والله ما هز علك تانى

اسراء بفرحة: وانا مسمحاك ي سيفو

سيف: من قلبك ي ايسو

اسراء: من قلبى ي سيفو

ابتسم سيف واستأذن منها ودخل ليوسف ...قربت منها ملك: كان
عاوز منك ايه ضايقك او عمل فيكى حاجة؟!

اسراء: لا ابدأ ده اعتذرلى عن كل اللى عمله فيا انا بجد فرحانة اوى
ده اسعد يوم ف حياتى بجد

ثوانى ورن فون ملك وكانت ريهام اللى طلبت من ملك تخلص اسراء
تستخبي لان سلمى داخله وبالفعل لما دخلت سلمى خرجت اسراء
وشافت احمد مع ريهام خافت واتوترت قربت منها ريهام: متخافيش
احمد بقى عارف كل حاجة

اقتربت منها اسراء وحضنتها جامد وقالتلها: شكرا ع كل حاجة
عملتيها عشانى انا بسببك حياتى اتغيرت ١٨٠ درجة

ريهام: الشكر لله انتى طيبة ونيتك كويسة وع قدر نيتك رزقتى
ملك: اظن كده الهدف المطلوب اثباته تم وممكن نوقف اللعبة دى
وترجع اسراء ع بيتها

ريهام: لا مش دلوقتى لسه مهمتى مخلصتش

-لا مش دلوقتى لسه مهمتى مخلصتش فيه لسه جزء لازم انهيه

اسراء: قصدك ع سلمى؟!

ريهام: لا موضوع سلمى خلاص انتهى وهتبدأ معاكى صفحة جديدة
... وبدأت ريهام تحكى لاسراء وملك ع اللى حصل مع سلمى

اسراء: او مال جزء ايه اللى بنتكلمى عنه؟!

ريهام: كل حاجة بأوانها ي اسراء وانا مش عاوزة اسبق الاحداث
ي عالم ممكن بكرة اتصل بيكى واقولك دورى خلص

اسراء: بصى انا مش فاهمة انتى تقصدى ايه بجد لكن انا واثقة
فيكى

ريهام: يلا ي ملك روحيا عند ماما

ملك: اوك هنتقابل تانى ي ريرى باى

بعد ما مشيوا احمد بحدة: اظن انا سكت قصادهم عشان
مصغركيش لكن انا مش معاكى فى اللى بتعمليه ده انتى عاوزة
تقعدى هنا ليه تانى ما خلاص علاقتها بولاد عمها ظبطت واللى
بتحبه حبها ف ايه تانى؟

ريهام: لسه عمها اللى لحد الان معرفش ايه نواياه وكم ان اللى اسمه
اسر ده مش هيعديها بسهولة كده

احمد بتذمر: وانتى مالك انتى هو انتى مفكرة نفسك مصلحة
اجتماعية ما خلاص هى تعتمد ع نفسها وتحل مشاكلها بنفسها

ريهام: ي احمد افهم اسراء غلبانة اوى وملهاش ف اى حاجة انت
لسه متعرفهاش

احمد: اسمعى ي ريهام انتى اخرك بكرة بالكثير وده اخر كلام
عندى

ريهام: ومالك بتتكلم بثقة اوى كده ليه وكأنى هسمع كلامك!

احمد: عشان انا حبيبك وهكون جوزك

ابتسمت ريهام بخجل وقالتله: طب يلا هس من هنا بقى

احمد: ده بعدك انا هبات هنا

ريهام: براحتك

بعدها سابتة ريهام ودخلت ع الفيلاعند اسر اللي فاق بالعافية
ورن ع ابوه راح ليه مع بعض من رجالتة

سامى: مين عمل فيك كده حد من ولاد المنسى؟!!

اسر: لا عيل غريب معرفوش كان مع البت بنت عمها

سامى:وانت ازاي مأخذتش بالك ان حد بيراقبك

اسر: مجاش ف دماغى ي بابا خلاص

سامى: انت عارف لو البت دى حكيت لابوها وعرف انت كنت
ناوى ع ايه هيعمل فينا ايه؟!!

اسر: هيعمل ايه يعنى! وبعدين هى متقدرش تقوله

سامى: ليه بقى ان شاء الله؟!!

اسر: ي بابا ده انت سيد العاقلين هتروح تقول لابوها كنت رايحة
معاها بمزاجى او هتقوله انى كنت بديله اى معلومة خاصة بيكم او
انى اللي كنت بجيب ليها البرشام لبنت عمها

سامى: البت ممكن متحكيش لكن بنت عمها بقى ايه ضمنك انها
متفتحش بوقها؟!!

اسر: دى عيلة جبانة والكل بيعتبرها ملطشة واكيد سلمى مس
هتخليها تتكلم

سامى: طب قوم قوم خلينى اوديك المستشفى

اسر: لا طبعا مستشفى ايه هندخل ف سين وجيم اتصل ع اى دكتور
تبعا يجى بيكشف عليا بالبيت وخلاص

عدى اليوم طبيعى بدون اى مشاكل ...تانى يوم ع السفارة نزلت
ريهام وقالت: صباح الخير

الجميع: صباح النور ...ماهر: ع فين؟!!

ريهام: رايحة لملك ي اونكل فيه حاجة!

ماهر: ايوة فيه شوية ورق علوز امضتك عشان نتمم الصفقة بتاعت الشركة الايطالية

ريهام: اوك ممكن اخده معايا واجيبه لما ارجع

عطاها ماهر الورق وراحت ريهام ع بيتها برفقة احمد وكانت ملك مع اسراء وام ريهام

اسراء: ايه الورق ده؟!!

ريهام: عمك بيقول بتاع صفقة ومعرفش ايه؟

اسراء: اوك هاتى امضيه

ريهام: مش تقرايه الاول ي بنتى

اسراء: ملهاش لزوم انا مش بفهم ف الشغل ده حاجة اصلا

ريهام: هاتى الورق ده وانا اراجع

بالفعل اخدت منها ريهام الورق ولاحظت وجود ورقة غريبة وكانت توكيل بالتنازل عن حصة اسراء بالشركة لماهر

ريهام: عمك علوز يمضيكي بالتنازل عن حقك

اسراء بدموع: طب ليه ده حتى نصيبى ميغيش الربع وكنت سايبه كل حاجة ليه يتصرف فيها زى ما هو عايز

احمد: ده الغلط بعينه انك تسيبى السايب ف السايب مش كل الناس شبعانة ومش كل اللى من لحملك هيحبك ويخاف ع مصالحك

ريهام: متخافيش ي اسراء انا هتصرف

اسراء: لا ي ريهام كتر الف خيرك لحد كده الوقت ده وقتى انا

ريهام: هتعملى ايه يعنى؟!

اسراء: سببها لله ي ريهاماخرجت من شنطتها مبلغ وقالت:
اتفضلى دى بقيت الفلوس اللى اتفقنا عليها بكرة ان شاء الله عملية
طنط لازم تدفعيهم قبل ما تدخل

ريهام: رجعى فلوسك شنطتك ي اسراء انا خلاص مبقتش محتاجة
ليهم

اسراء: انتى بتقولى ايه ده كان اتفقنا

ريهام: وانا غيرته انا مبقتش عاوزة الفلوس خلاص انا كسبت حاجة
اغلى من الفلوس معرفتك انتى وملك

ملك بحب: انتى جدعة اوى ي ريهام وبجد كانت احلى صدفة
حصلت

ريهام: حبيبتي ...المهم ي اسراء ناوية ع ايه؟

اسراء: ناوية اعمل لنفسى شخصية ناوية اتغير عشان نفسى صعبت
عليها من كتر ما الكل جه عليها واستغلها ناوية اكون اسراء جديدة
هتفاجئ الكل

ودعت اسراء وملك ريهام ونزلوااحمد: طنط انا عارف ان
الوقت مش مناسب وريهام كانت رافضة افاتحك بالوموضوع الا
بعد العملية بس انا شايف ان ده انسب وقت

مجيدة: خير ي ابنى؟

احمد: انا طالب ايد ريهام

مجيدة بفرحة: وانا مش هلاقى لبنتي حد يحبها ويصونها زيك

ريهام: ي سلام ي ست ماما وانتى عرفتى منين؟!

مجيدة: احمد مولود ع ايدى ومتربى وسطنا وانا عارفة انه بيحبك
من زمان

احمد: تقومى بالسلامة ان شاء الله ونتفق ع كل حاجة

مجيدة: ان شاء الله ي ابنى

عند اسراء اللى وصلت ع الفيلا ..ملك: انا هنزل معاكى

اسراء: لا مفيش داعى روحى انتى

ملك: مينفعش اسيبك لوحدك

اسراء: معلش ي ملك انا لازم اواجهه بنفسى وربنا معايا اطمنى
هيعمل ايه يعنى اكر من اللى كانوا بيعملوه

نزلت اسراء ودخلت ع البيت وكان ماهر وسيف قاعدين ف المكتب
بيخلصوا اوراق

ماهر: اهلا ي هانم ما لسه بدرى اتأخرتى كده ليه؟!

اسراء: متأخرتش ولا حاجة حضرتك لو بصيت ف ساعتك
هتلاقينى مكملتش ساعة ونص

ماهر: امممم وايه اللى انتى لابساه ده مش دى الهدوم اللى كنتى
خارجة بيها وووووو

-ايه اللى انتى لابساه ده مش دى الهدوم اللى كنتى خارجة بيها
الصبح انطقى كنتى فين ي بت بدل ما اكس*رك

وبسبب صوت ماهر العالى خرج الكل من غرفه بما فيهم يوسف
...وقف سيف امام ابوه وقال: ف ايه ي بابا انا مش شايف ان فيه
مشكلة ابدأ ما يمكن يكون حاجة وقعت ع هدمها عشان كده غيرتها
او اشترتها

ماهر: والله وانت بقيت المحامى بتاعها ولا ايه من امتى الحنية دى؟

سيف: من دلوقتى ي بابا مش هقبل ان اى حد يمد ايده ع اسراء
تانى

ماهر وهو بيبص لرجاء: شايفة تربيتك الهانم راجعة بلبس غير اللى
خرجت بيه والباشا بيعلى صوته عليا وناسى انى ابوه

رجاء: حقك عليا انا واهدى خيلنا نفهم منها

ماهر: ولا نفهم ولا زفت خلاص الموضوع انتهى فين ورق
الصفقة!

اخرجت اسراء الورق من شنطتها واعطته لها وراقبت ريكاشنه
وهو يراجع الورق

ماهر: فيه ورقة ناقصة راحت فين؟!!

اسراء: مفيش ورق ناقص ي عمى انا مراجعة الورق بنفسى
ومتأكدة ان ده ورق الصفقة كاملة ولا قصد حضرتك ع الورقة دى

واخرجت الورقة من جيبها...بصت لامها وقالت: عارفة الورقة
دى ايه ي ماما دى توكيل عام بالتنازل عن حصتى بالشركة

اخذت رجاء الورقة وبصت فيها بصدمة...ماهر بتوتر واضح:
البت دى كدابة انا مستحيل اعمل حاجة زى دى ي رجاء

رجاء: انا بنتى مبتعرفش تكذب ي ماهر واكديها ليه وانا شايفة
بعيونى معاملتك انت وولادك من يوم ما اتجوزتنى يشهد عليا ربنا

انى كنت بحبهم زيها وربتهم بمقدار حبي ليها وعمرى ما حسستهم
انى مرات اب لا كنت ام ليهم وف المقابل انت قدمت ايه لبنتى ولا
ولادك كانوا صانوا الجميل وعاملوها كويس! كنت بقول جايز ربنا
يهديكم ليها لكن كل مدى كانت القسوة بتزيد وكأنها عدوتكم

ماهر بتوتر: انا .. انا بقالى عمر ماسك إدارة الشركة والمصنع ايه
هيخلينى اعمل كده؟!!

رجاء: عشان بنتى كبرت وعدت السن القانونى وممكن تطالب
بحقها عادى فأنت خوفت من ده طب لو كنت علوزها لنفسك
وعياللك كنت اعطيها حق دى بنت ويتيمة ده احنا واصية المرحوم
اخوك هى دى الامانة!

ماهر بحزن: انا اسف ي رجاء

رجاء: متأسفش ليا انا اتأسف لليتيمة اللى جيتوا عليها واهانتوها
واستغلितوا طبييتها وحنيتها

ماهر وهو يذهب لاسراء: حقك عليا ي بنتى عارف انى غلطت
بحقك كتير وانى جشعى وطمعى يمكن اغاونى الشيطان بس اوعدك
انى هعوضك وهكون ليكى اب مش عم ولا جوز ام

اسراء: ولا يهمك ي عمو

ماهر: لا قوليلى ي بابا واوعدك انك مش هتندمى ابدًا

اسراء بابتسامة: حاضر ي بابا

سلمى بدموع: واخيرا ليكى حق ي سيليا تحبها وتتعلق بيها

سيليا بتفاجئ: ايه ده؟ مين بيتكلم انتى سلمى بجد!

سلمى: او مال عفريتها

سيليا بفرحة: واخيرا كلکم فوقتم وعرفتم قيمتها ما ده اللى كنت
بهري فيه من زمان

كان يوسف واقف فوق مبتسم بعدها دخل ع اوضته وطلعت ليه
اسراء فضلوا يتكلموا لوقت طويل

بعد مرور سنة ... يوسف استعاد قوته وكامل صحته وحبه لاسراء
كان بيكبر مع الوقت وسلمى اتغيرت جدا وبقت ملتزمة اكر
وصاحبت اسراء وماهر وفى بوعدده ليه وفى يوم طلب يوسف ايد
اسراء من والده وطبعاً وافق واتفقوا انهم يعملوا خطوبة ع الضيق
وفى يوم الخطوبة خرجت اسراء وهى لابسة دريس ابيض للركبة
وسيمبل جدا

يوسف: النهاردة اسعد يوم بحياتى عقبال فرحنا

صوت من وراءه: هو ايه اصله ده ي سى يوسف انت بتخونى!

لف يوسف وشه واتصدم لما لقي واحدة تانية واقفة ولابسة نفس
لبس اسراء

يوسف بتوهان: منين بيودى ع فين ها

الكل ف صدمة... سيليا: ٢ اسراء ازاي ها ازاي؟!!

ريهام: مش انت المفروض بتحبني يبقى المفروض تعرف مين فينا
اسراء!

رجاء: اذا كان انا امك مش عارفة انتى اى واحدة هو هيعرف
ازاي!

بص يوسف بعيون ريهام وبعدها بص لعيون اسراء مسك ايد اسراء
وقال: انتى اسراء

ابتسمت اسراء بفرحة وقالت: عرفتني ازاى؟!

يوسف: قلبى اللى حس بيكى ونظرة عيونك اللى كلها حب ودفا زى ما هى مبتتغيرش

سيف: لا ثوانى بس متاخدوناش ف توهة مين دى؟! وايه اللى بيحصل

ملك: انا هحكىلكم كل حاجة

وبدأت ملك تحكى خطة اسراء وريهامملك: وفعلا ريهام نجحت بشكل كبير تقرب بين اسراء وسلمى ويوسف واونكل ماهر كمان

اسراء: مش بس كده انا كمان اتعلمت منها حاجات كتير اوى وبسببها بقيت اثق بنفسى اكثر وابطل خوف وكسبت صاحبة جديدة مقدرش استغنى عنها

ضمتها اسراء بحب....اسراء: بالمناسبة النهاردة خطوبة ريهام كمان وانا اصريت يكون معنا

بعدها دخل احمد ومجيدةراحت سلمى باتجاه احمد وريهام: انا متشكرة جدا ع وقفتم جنبى ف اليوم المشؤوم

ريهام: متقوليش كده اى حد مكانا كان هيعمل كده واكثر وكمان الالههم انك عرفتني اسراء ع ايه وقربتني منها واكيد اللى حصل ده علمك درس

سلمى: طبعا وبصراحة انا حابة اننا نكون اصحاب ممكن!

ريهام: اكيد طبعا ليا الشرف

تمت الخطبة وسط فرحة الجميع وكان سيف بيتابعهم بعيون مدمعة وشعور مختلط بين فرحة لاختوه وبنت عمه وحزنه انه مقدرش ياخذ حب عمره سحب نفسه بدون ما حد ياخذ باله وراح ع الجنيينة

الخلفية ساب عيوننه تدمع ولقى حد حط ايده ع كتفه بسرعة مسح
دموعه واتفاجئ انها ملكسيف: ملك ..فيه حاجة؟!!

ملك: بحبك

سيف بتفاجئ: ايه قولتى ايه؟!!

ملك: قولت انى بحبك ومن زمان ع فكرة بس كنت مضايقة منك
بسبب معاملتك لاسراء انما دلوقتى ااااا.....

سيف: دلوقتى ايه ها ايه؟!!

ملك: اقدر اقول انك امتلكت قلبى بنجاح

سيف: قولى وربنا تقبلى تتجوزينى

ملك: ايوه

حضرها سيف من فرحته وبعدها مسك ايدها ودخل ع جوة وهو
بيطلب ايدها من والدها وطبعاً وافقوا وبعدها اخدها مع الجميع
وراحوا اشتروا شبكة واتخطبوا هما كمان

سيليا بحزن: كله مرتبط وانت ي قلبى لوحدهك خالى عقبالى ي رب

سلمى بضحك: اتنىلى مش لما ارتبط انا الاولتمت

وبكده نقول الحكاية خلصت طلب صغير مش محتاجة كومنتات
محتاجة دعوات من القلب لاهلنا بفلسطين انتهت حلول الارض
وامرها لحاكم السموات والارض كسفوا من دعواتكم ليهم صلوا
وادعوا جايز منكم الأقرب لله فيقبل دعاءه □

#شبيهتى_القوية_الخير

